



Sarajevo, 11.06.2018. godine
Broj: 06-06-2-83-4/18

Predmet: Poziv na praktičnu radionicu na temu „Akvizicija i ostvarivanje prvog kontakta sa novim kupcima u Njemačkoj i Austriji“ – Sarajevo, 25. i 26.06.2018.

Poštovani/a,

Vanjskotrgovinska komora BiH ima zadovoljstvo pozvati Vas na dvodnevnu praktičnu radionicu na temu

„Akvizicija i ostvarivanje prvog kontakta sa novim kupcima u Njemačkoj i Austriji“

Radionica će se održati **25. i 26.06.2018.** godine sa početkom u 10:00 sati u prostorijama Vanjskotrgovinske komore BiH u Sarajevu, ulica Branislava Đurđeva 10, a namijenjena je uposlenicima kompanija koje se bave izvozom u zapadnoevropske zemlje, te koje žele ostvariti suradnju sa zapadnoevropskim kompanijama.

Cilj radionice je upoznati polaznike sa:

- Identificiranjem potencijalnih kupaca u Njemačkoj i Austriji,
- Načinom prikupljanja inicijalnih informacija o tržištu,
- Osnovama izvoznog marketinga,
- Načinom kreiranja inicijalnog e-maila potencijalnim kupcima u odgovarajućem formatu,
- Zahtjevima u komunikaciji i prezentaciji,
- Načinom izrade ponuda, potvrda narudžbi i ugovora (prema njemačkim standardima)

Predavač na praktičnoj radionici je gospodin **Alexander Märdian**, njemački ekspert iz oblasti vanjske trgovine sa 29 godina iskustva u vanjskoj trgovini, promociji poslovanja i ekonomskom razvoju. Posjeduje veliko iskustvo o ekonomiji Bosne i Hercegovine, a u periodu od 2002-2010. godine bio je angažovan kao ekspert za vanjsku trgovinu i poslovni promoter na različitim pozicijama u BiH. Od 2012-2016. godine radio je za njemačku AHK (Predstavništvo njemačke privrede) u BiH, a trenutno obnaša funkciju savjetnika predsjednika Vanjskotrgovinske komore BiH.



Način realizacije radionice i preporuke

- Radionica će biti održana na engleskom jeziku i preporučuje se učešće polaznicima koji posjeduju (minimum) nivo znanja engleskog jezika A2 / B1.
- Polaznicima se preporučuje da sa sobom na radionicu ponesu Laptop, kako bi mogli raditi na praktičnim primjerima i vježbama (internet konekcija je obezbjeđena u sali).

Način prijave i kotizacija

Za učešće u praktičnoj dvodnevnoj radionici je predviđena **kotizacija u iznosu od 280,00 KM** (s PDV-om). U cijenu kotizacije je uključeno:

- Edukacija (2 dana)
- Prezentacije / Materijali
- Ručak i osvježenje na pauzama (2 dana)
- Certifikat o učešću
- Pribor

Prijava se vrši popunjavanjem prijavnog obrasca (prilog) i dostavljanjem istog na e-mail adresu mirza.konjo@komorabih.ba ili putem fax-a na broj +387 33 566 205. Broj mjesta je ograničen zbog čega se preporučuje blagovremena prijava.

Krajnji rok za dostavljanje prijave je petak, 22.06.2018. godine do 12:00 sati.

Sve dodatne informacije možete dobiti pozivom na broj telefona 033/566-204. Kontakt osoba je gospodin Mirza Konjo – saradnik za edukaciju u Sektoru za edukaciju Vanjskotrgovinske komore BiH.

U nadi da ćete se odazvati našem pozivu, srdačno Vas pozdravljam i ostajem

S poštovanjem,



Elma Kovacevic-Bajtal
Dr.sc. Elma Kovacevic-Bajtal
Direktorica Sektora za edukaciju
VTK BiH

Prilog:

- Program
- Prijavni obrazac

